



Ein Christlicher vn-
 derricht der Brüderlichen lieb-
 gezogen auß der heyligen ge-
 schrift. Durch Johann
 Böschenstain. Zu gesandt v. Phi-
 lippo/ Münch Collegaten zu
 Haydelberg. Anno.
 M. D. XXIII.



Handwritten signature or note in the bottom right corner.



Im namen des herze.

Johan. 15

Actuum. 10
1. Timo. 2

Mathei. 5

Luce. 6

Lhristus Jesus sagt. Das ist mein gebot/ dz jr ein
ander lieb habt/wie ich euch geliebt hab/memant
hat ein grössere liebe / dan wellicher seyn seel setze
für seyne freündt/ jr seyt meine freündt/ ob jr thün wert
dzich euch gepeüt. Die wurzel d liebe ist der fest glaub/
vñ höchsts vertrauen in Chrustum Jesum den sun Got
tes/vö der reynen magt Maria/nach der menscheit ge
porn/vö den schrifft gelerte getödt/vö got dē vater auff
erweckt/am dritten tag von dē todt/darnach in die hys
mel gestigē/sitzent zu der gerechte Gottes/ da selbs eyni
ger mitler vñ eyniger fürsprech menschlichs geschlechts
gegen Got vñ vergebung der sünd. Also ist diser glaub
ein warer vrsprung darauß die lieb volgen muß/ gegen
dem nech sten/ wie vns Chrustus gelert hat/was jr den
mynste (die in mich glauben) thünd/das wil ich annez
men als het jr mirs gethon / die liebe geduldet alle ge
brechen des nächsten/sy geduldet den gerechten vñ vn
gerechten/wie Chrustus die Son last scheynen über güte
vnd böß/die liebe frewet sich der gerechtigkeit vnd war
heyt/sy leydet das vnrecht/sy ist bereyt zu aller mildeig
keit gegen dem nechste/sy sucht nit das jr ist/aber sy be
sorgt den nutz des nechsten also sol vns nicht scheyden/
vö der liebe weder neid/forcht/zorn/pein leidē/durchäch
tung/keinerley gebrechen vnsers nechsten/aber alweg
die liebe für den haß/ die miltigkeit für die gewolichet/
verzeyhung für dz vrtail/den frid für dē krieg verwechfle
Sum a wan wir nit güts vmb args thün / vnser seynd
nit liebhaben/so sey wir nit mer dan die Herde vñ Tür
cke/die allein iren freünden wol/vñ iren freynden übel
thünd/wir seyen warlich nit Chrusten so wir den worten
vnd gebotten Chrusti nit festen glauben / mit der that

geben/als Paulus sagt. Dañ eüch ist es geben süchun/
das jr nit allein an Christu glauben/sonder auch vmb
in leident/er hat ye vns das gebotē vñ gelert/gesagt/so
jr das wist/so werdt jr selig so jr es thut. Hör was Pau-
lus sagt- ob ich redte mit aller Englen vñ mensche zun-
gen- vñ hette den geyst der propheten vñ alle kunst- vñ
ob ich het allen glauben- also das ich ein perg auff den
andern trüg zc. Ob ich aber nit hab die lieb / so ist es al-
les nichts zc. Sañ der böß Beyst glaubt auch das eyn
got sey- aber mägelt d liebe/also auch ob ich durch mei-
ne eüßerliche werck vñ allē mensche frum / gerecht / geyst
lich geschetzt wurde / es were alles verlorn vñ vmbjunst /
gantz nichts werd / wa ich nit hette die liebe gegen meinē
nechste mensche / er sey Crist / Jud / heyd / Türck / Tadrer
weiß oder schwarz / böß oder güte- dañ bey vnserm Gott
ist kein anschawung der person- Sondern in einem ye-
den geschlecht / Wellicher Got fürcht / vñ würckt die ge-
rechtigkeit / der ist angenem Got dem herre. Auch sagt
Cristus vnser maister vñ got. Was jr begert dz eüch die
leüt thun sollē dz thut auch inen / nit allein ewren freün-
den- aber auch ewre seynde / habe einand lieb darbey er
kent mā eüch dz jr meine jünger seyt. Itē Paul. Jr seyt
niemārs etwas mer schuldig / dañ ein ander lieb zu ha-
bē / Die liebe ist ein erfüllig alles gesetz Gottes / wellicher
sein nechste lieb hat / der selb erfüle das gesetz. Dañ dz ist
ye dz eynig vñ höchst gehot Cristi / wie obensteet. Paul.
sagt weyter- souil in eüch ist- solt jr frid halten mit allen
menschen / dañ es steet geschriben / mir gehöret die rächüg
Vñ ich wird widergelten spricht der herz- darüb so hüg
ren wyrt dein veind / gib jm die speyk / so in dürste wyrt
gib jm das tranck zc. Du solt nit übersygt werde vñ der
boßheit / aber überwind du mit gutem dz böß zc. Cristus
sagt / hab Got lieb dein herren in gantzē deinem hertzen-
in gantzē deiner seel- vñ in gantzē deynem gemüt / Das
ist das größt gebot vñ das erst / Das ander ist dē gleich

Philip. 1

Johan. 13

1. Corint. 13

Actuum. 10
Mathe. 7.

Johan. 13
Roma. 13

Roma. 12

Deutro. 32

Roma. 12

- Mathe. 22
 Levitici. 19
 hab lieb dein nächstten als dich selb/ In disen zweyen ge-
 botenhangt das gantz gesatz vñ all Propheeten/darüb
 bedürffen wir Christen menschen nit grosse kunst oder
 spytzfindigkeit brauchen zü vnserm glauben allein. die
 liebe lassen erscheynen auß dem glauben/Also wye ich
 Christo glaub/also ertzeygich die liebe meinē nechsten
 wie ich dem armenhilff/also ertzeyg ich mein glauben
 denich in Christū vñ seine wort hab/Wir künden Chri-
 sto nichts thün dan wie er vns geheysen hat/den armē
 helffen außwarem glauben/vñ brüderlicher lieb/dan
 was wir sunst güet schätzē/ist vor Got nit angeneh/als
 Isaie. 64. Isaias sagt. Vnd wir all seyen vnreyn/vñ all vnser ge-
 rechtigkeyt als eyn vermaliget vn sauber tüch. Alleyn
 die brüderliche liebe eynander zübeweyssen. so wir das
 Gallat. 5. thün hab wir das gantz gesatz erfülle. Als Paulus sagt
 das gantz gesatz wyrt erfüllet in ein wort fürwar das/
 du solt liebhabē dein nächstten als dich selbs/vñ das die
 werck der liebe erscheynen zü nutz vnd dienst dem näch-
 sten/Vñ also mit güeter rüw. fridlich bey einander eyn-
 helliglich wonen on gezancē/eyner dem andren sey-
 nen mangel geduldiglich helffen tragen. Als Paulus
 sagt. Ir solt tragen eyner des andern bürde/vñnd also
 Gallat. 6. erfüllent ir das gesatz Christi mit rechtem mitleyden/so
 wurden wir Christen wan wir sein gebot hielten/Veder-
 man bey vns fridsam lyten helffen/vñ ryeten auch den
 frembden ausserehalb vnser glaubens. das sy auch zü
 Christo gezogen würdē. durch vnser eynig/frydlich le-
 ben. vnd brüderliche liebe. Nit eynander in neyd. oder
 1. Corinth. 1. tratz/in zancē erweecten/zü widerwertigkeit. vnnützer
 1. Corinth. 6. disputacion/zoren/sonder in fridsamer eynigkeyt. ey-
 ner den andern durch ware lieb vnderweyssen vñ leren/
 nit mit gryßgrammen/mit sturm worten/mit außsätz-
 gen spotworten/oder verachtung der personen/Son-
 der mit bewereten Böttlichen geschriefften. freünlichen
 ermanungen/Nieman scheühen nach der person/Aber

die sünd vermeyden / vñ nicht den sündler / so lang bis er
bekert wirt / Sit ein splitt er süchē in eines andern aug /
Vñ seines eygen balcken nit acht haben / Auch vns selb
nit gerecht schätzen / aber all für sündler / dan wellicher
on sünd oder yrrung sey / Der werff sein neydstain zum
ersten an den vngerechten / Dan wir seyen all nit gere-
cht. Als Dauid sagt. Herz du solt nit eingeen mit deyne
knecht in das gericht / San nit ist rechtfertig vor dir ein
yedes lebendigs / Allein demütige liebliche gedulde mit
dem nechsten haben / Niemants ergern / schmehen ver-
achten / niemants verhyndern / dann das thüt nicht die
brüederliche liebe / nit der glaub / nit die hoffnung / die
liebe würckt nit solliche werck des verderbers / sonder
milte werck des nechsten misleydens / Der rechten liebe
ist nichts züschwer / nichts zü bitter / nichts vnmüglich /
hat keyn scheühē / sonder alle ding süß / freüntlich / leydig
eynhellig / gedultig / ob auch Got ein menschē / last kräck-
heit / Armüt widerwertigkeit / Ellendt oder ander gebre-
chen leyden / wa die liebe da ist / So seynd dise ding alle
gering / vnd leycht züttragen / allweg gedenccken / O herz
du verlassest mich nymer / ob du mich lassdest schwymen /
so lassdest mich doch nit ertrinckē / od ersauffen / mein hoff-
nung hofft in dich / in gantzer liebe ic. Auch ob ein men-
sch wider das ander thüt in was gestalt es sey / ist die lie-
be vnd vertraw da / so ist das leyden aber leycht / vnd
bringet kein vnwillen / dan die recht liebe sücht / nit iren
aygen nutz / sonder des / in den sy sich neyget / vñ anhan-
get / Dan die recht liebe neyget sich allein zü nutz vnd
dienstparkeit / on alles verdriessen in iren nechsten / ver-
hüt auch alle geseerlichkeit der menschē / sy gibt kein erger-
nuß / sonder sy fürkump vnd übertreget allen vnwillen.
Als Paulus sagt. Ir solt seyn on beschädigung der Ju-
den vñ Hayden / vnd der samblung Gottes / Als vñ ich
durch alle ding / allen menschen gefellig bin / das ich nit
süch / das mir nutz ist / sonder das vil menschen nutz ist.

Mathei. 9
Mathei. 7

Psal. 42.

1. Corint. 10

Mathe. 7
Actuum. 17

1. Corinth. 1

auff das sy selig werdē/ Also soll wir auch thūn/ so wirt
vns Got sein gnad auch überflüssig mitteylen/ Wie wir
die lieb vnsern nechste mitteylen/ das/ mit welcher maß
wir vnsern nechsten messen/ wyrt vns Got mit der selbē
maß widergeltē/ mit was vryteyl wir vnsern nechste rich-
ten/ wirt vns Got auch richten/ darūb vryteylt niemant
vor der zeyt das jr nit geurteylt werde. Ist der beschluß
das kein mensch den andern soll verachtē/ Dān got hat
gemacht alles geschlecht der menschen auß einē plüt zū
wonen auff dem ganzē angesichte der erden/ von einem
Got erschaffen/ erlöset vñ erwölt zūbesitzē das reich got-
tes/ keiner soll der merer sein/ dān der dem andern dienē
will/ keiner gerechter/ keiner sich frūmer schetzen/ sonder
all gleichförmig für einander bitten/ Im vergebūg der
sünd/ das ist der will/ vñ die leer Christi/ dardurch er
vns selig machen will/ vñ sunst durch kein ander werck
dān durch festen glaubē vñ ware lieb/ on misgryffūg
Last vns Christo vnserm erlöser lob vñ danck sagen
vñ dise gnadenreyche zeyt/ damit er vns bestāt in seinē
heylsamen leren vñ geboten/ vns die gnad beweyse das
wir die rechte brüderliche liebe on vnderschyd/ on partey-
sch in vnserer hertzen setzen/ mit den güte oder erwöltē
ein freūd haben/ aber mit den yhenen so nit hoch begna-
det seind/ ein brüderlich mitleydē habē/ got für einander
herzlich bitten/ vmb einhellige gnad/ vmb ein volkomē
verstand. Als Paulus sagt. Dān Got ist getrew/ durch
welchē jr beruffte seind zū der gesellschaft seines suns vn-
sers herren Ihesu Christi. Aber ich erman eūch lieben
brüder durch den namen vnseres herren Ihesu Christi/
das jr all zū mal eynerley synnes seyt/ vñ habt nit zwit-
racht vnder eūch/ sonder seyt volkomen in einem syn vñ
einer meynung/ dān mir ist fürgehalten vō eūch/ meine
liebe brüder vō dem gesind Chloes/ das zwitragt sey
vnder eūch/ Darvon sag ich das yeglicher vnder eūch
sagt/ ich bin Paulisch/ der ander ich bin Appolisch/ der

drit ich bin Cephisch/ der viert ich bin Cristisch 2c. Wie
meynt jr dz/ist dan Christus in stuck geteylet/ Ich dack
got das ich niemant vnder euch getaufft hab/ Dan we
nig person 2c. Also laßt vns yetz auch nit thün/ das wir
vnder vns secten machē/ dadurch die menschē parteisch
möchten werden/ wandlen fridlich vnder einander/ laßt
vns bey Christi leer bleyben/ vñ ein benügen daran ha
ben/ Sein joch ist süß/ vnd sein bürdin leycht/ er will vns
selb erquicken / vnd vnser tröster sein/ Laßt allen neyd
fallē/ laßt sein warhafte leer/ seine Euāgelia/ schwanckt
nit zū der rechten oder lincken seyten/ dempt Christum
allein an/ Laßt in vnsern lerer/ Doctor/ Maister/ vnd
vater sein/ nyemant ist güet dan er allein/ Es kann nyē
mant eyn ander fundamend setzen / on das gesetz ist
worden/ das da ist Christus Ihesus/ der herze erkennt
die gedancken der menschen/ dan sy seind valsch/ also
soll sich nyemant berümen in den menschē/ Lieben brü
der alle ding seind ewer. As sey Paulus oder Appollo
oder Cephais/ die welt/ oder das leben/ oder der todt/ es
sey das gegenwyrig oder das künfftige/ alles das ist
ewer/ jr aber seyt Christi/ Christus aber ist Gottes/ Des
nam gelobt vnd gebenedeyt ist in ewigkēyt. Amen.

1. Corint. 3.

Faint, illegible text, likely bleed-through from the reverse side of the page.

1. Corin.



No 4147



4

TA-70C

Nur A. Steu bisher aufgenommen
bzw.
noch nichts
Verknüpft

neu Sammlert 1954
+ gebunden d.R.







Ein Christlicher vn-
 derricht der Brüderlichen lieb-
 gezogen auß der heyligen ge-
 schrift. Durch Johann
 Böschenstayn. Zu gesandt h. Phi-
 lippo/ Nünch Collegaten zu
 Haydelberg. Anno.
 M.D.XXIII.



Handwritten signature or note in the bottom right corner of the page.

